



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. I. An Procurator substitutus jurare debeat, non habito mandato?

[urn:nbn:de:hbz:466:1-73001](#)

ARTICULUS. II.

Qui teneantur ad juramentum calumniae praestandum?

705. **R**esp. quod regulariter ad hoc teneantur ipsae personae litigantes; probatio constat. 1. ex L. 2. C. de jurejurando propter calumn. §. Sed quia veremur, relato *supr. num. 701.* quod etiam habetur in Authentica Principales, 6. eod. ibi: *Principales personae, vel illae, ad quas negotium in medio migraverit, coram iudicibus jurent, quod nihil penitus causa patrocinii iudicibus, vel alii cuiuscunque personae pro hac causa dederint, vel promiserint, vel postea dabunt, vel per se, vel per aliam medium personam: exceptis his, quae propriis Advocatis pro patrocinio præstant, aliusque personis, quibus nostræ leges dari disponunt.*

706. Not. autem, hoc juramentum prius præstandum ab Aetore, seu illo, qui prius ad litem provocavit; unde, quando §. 1. *Instit. de pen. temere litigant.* dicitur, quod Reus debeat jurare de calumnia; & deinde in §. *Item Actoris,* quod Actor, non est, quod Reus jurare debeat, antequam juret Actor; sed solum, quod Reus juret prius, quam audiatur; sicut etiam Actor: cum autem Actor audiatur prius, etiam juret prius; sic gloss. in dict. L. 2. V. *Et Actor.* Et hoc extenditur etiam ad haereses, qui defuncto succedunt in lite, licet iste prius hoc juramentum præstiterit; ratio est ex Authent. Principales, relata n. priori. ibi: *vel illae ad quas negotium in medio migraverit.* Ratio est, quia etiam si defunctus animam suam obstrinxerit, & sibi frumentum imposuerit; Haeres tamen hoc frumento non tenetur, & absque perjurio calumniari posset: ergo aequitas postulat, ut simile frumentum sibi quoque injiciat. Ex quo etiam habetur, juramentum non esse repetendum, si defuncto Judici aliis substituatur; nam juramentum prius factum non erat limitatum ad hanc numero personam, & hoc individuum; sed ad causam: ergo tota

ejus vis manet etiam mutato Judge: ergo non est, cur repetatur. Quibus possitis:

Q. I.

An Procurator substitutus jurare debet, non habito mandato?

707. **D**e hoc agitur in c. in *appellationis.* 2. h. t. in 6. §. *Procuratores*, ibi: *Procuratores quoque (qui post juramentum calumniae deputantur) teneri volumus (ut calumnia vitetur ab ipsis) ad subeundum hujusmodi juramentum: etiamsi a suis dominis quid ponere, aut respondere, seu agere debeant, sint instruti.* Nam ex hoc textu communiter deducitur, quod Procurator deputatus post juramentum calumniae à Principali, debeat etiam ipse jurare de calumnia; sic Andr. Gail. I. 1. *observ.* 89. *numer.* 47. & alii. Nam & ipse calumniam infert, si sciens causam esse injustam, aut non credens, esse justam, defendendam suscipiat.

708. Dubitari autem potest, an Procurator non solum in animam Principalis, sed etiam in animam suam jurare debeat? In hac quest. aliud est de jure civili; aliud de jure canonico. In *jure civili* ad hoc adjunguntur soli Principales, exceptis casibus, quibus deponitur in casibus Pupillorum, Minorum, & similium personarum; nam tunc illi, qui eorum nomine litigant, quia causam intelligunt, in animam suam jurant ex L. 2. C. de jurejurando propter calumn. §. 2. ibi: *quod observari oportet, et si Tutores, vel Curatores, vel aliae quadam sint personae, quae administrationem alienarum rerum, auctoritate legitimâ gerunt.* Convenit enim & ipsos jurejurando affici, quia ipsi causam scientes, ita ad eam pervenient. Neque enim Pupillus, neque Adulius, vel aliae hujusmodi personae, sed ipse, qui pro illis tutelam, vel curam, vel aliam legitimam gerunt administrationem, scire possunt causam, & ita ad judicium pervenire, eo quod ex animi sui scientia jurent.

Aa 2

De

709. De jure autem canonico, c. 3. h. t. in 6. dicitur, quod citra partis injuriam Procurator *habens speciale mandatum*, à Judice admittatur ad jurandum de calumnia. Prius enim sub lite fuerat, an persona principalis per se jurare debeat de calumnia? an verò id facere possit per Procuratorem? quam quæstionem dicit. c. 3. resolvens Bonifacius VIII. ait: posse Procuratorem admitti cum mandato speciali, ut juret in animam principalis. Verum, et si hoc sufficiat, quantum est in ordine ad principalem; eodem tamen jure tenetur Procurator jurare etiam in animam suam, ex dict. §. *Procuratores*, n. 707. ibi: *Procuratores quoque teneri volumus* (ut calumnia vitetur ab ipsis) *ad subeundum hujusmodi juramentum*; id, quod etiam constat ex c. *cum causam*. 6. h. t.

Cum enim controversia esset inter Archiepiscopum Ravennatensem, & Communitatem Faventinam, eam Innocentius III. quibusdam Judicibus delegarat; qui, cum in negotio procedere cunctarentur, causam avocavit, & partibus contendentibus mandavit, ut apud Sedem Apostolicam comparerent; cum itaque Procuratores partis utriusque cum mandatis de rato adessent, jussit Pontifex, petitionem Archiepiscopi per Procuratorem ejus exhiberi alteri parti, ad eamque responderi, atque factis quibusdam interrogationibus, ac responsionibus, iisque in scriptum redactis, adeoque lite coram Pontifice plenissime contestata, à Procuratoribus calumniæ juramentum utrinque exigi.

710. Quamvis autem Panormitanus in c. 1. h. t. num. 5. dicat, id non observari, ut etiam Advocati juret in animam suam, sed sufficiat, sicut in aliis juramentis, quod juret in animam Domini principalis; reddatque rationem, ne perjurii occasio præbeat; quia Advocati frequenter precibus, aut pecuniis adducti causas suscipiunt, quas justas, aut probabiles non existimant: sed quis non videat, tales Advocatos graviter peccare? etiam contra justitiam, & cum onere restitutions. Certè, si propterea forent liberandi à juramento calumniæ in animam

suam, quod frequenter contingeret eos pejerare; plura sanè forent, à quibus liberandi essent, quod ceteròquin obligationi stanti contingeret perquam frequenter ab illis contraveniri; cum tamen certum sit, ejusmodi delicta, quæ, etiam remotâ obligatione juris humani, contra naturalem justitiam iterantur, multò conducibilius subjici etiam humanis legibus non mere præceptis, sed solenniter pœnibus.

Dicendum igitur, de jure saltem canonico, Procuratores teneri jurate de calumnia non tantum in animam sui Principalis, sed etiam suam, ut constat ex num. 709. quod confirmatur ex eo, quia Procurator fit litis Dominus per ejus contestationem; & plerūmque (ut ait Ummius apud Haunoldum tom. 5. tr. 3. n. 474.) ipsi Procuratores melius norunt calumniari, quam principales; ut, nisi coérceantur, causas etiam pessimas sœpe defendant. Unde etiam Perez ibid. conqueritur, quod magno Reipublicæ malo hodie ab Advocatis non soleat exigi hoc juramentum in singulis causis; sed tantum universale in susceptione officii: excipitur tamen Procurator à Judice datus ex officio; quia presumitur morem genere Judicis decreto; Gail. L. 1. obf. 88. n. 3.

Quoniam verò num. 709. diximus, ut Procurator loco principalis in ejus animam juret de calumnia, sufficere, si ad hoc habeat mandatum speciale; dubium est, an censeatur habere mandatum speciale, prout hic exigitur, si constitutus sit cum clausula generali: *ad jurandum in omni causa*? vel debeat esse specifica expressio causæ v. g. *in causa fidei-jussionis*, &c. Aliqui censent, primum sufficere, ut videri potest in additionibus ad Bartolum in L. 2. §. *sin autem*, c. b. t. n. 4. Contrarium tamen sentit ipse Bartolus; & spectato jure hoc isti conformius est, ut constat ex c. 3. de quo n. 701. Hinc aliqui censent *mandatum speciale* non salvare etiam in illa generali clausula: & *ad jurandum de calumnia*; sed necesse esse, ut dicatur: *ad jurandum de calumnia in tali causa*; quia in iis casis

casibus; in quibus speciale mandatum requiritur, necesse est, ut etiam certa causa exprimatur, text. in L. Si quis mihi bona. 25. Q. jussum, & §. sequ. de acquis. possess. & ita concludit Bart. in L. 2. §. 3. b. t. namer. 3. & seq. quamvis Andr. Gail. l. 1. obser. 83. num. 3. censematur, si in Procuratorio mandato exprimatur, ut juret in omni causa, quatenus opus est; quod etiam, moribus hodiernis, receptum esse in Camera, traditur in Annotat. in Zoësium l. 2. Cod. tit. 58. lit. A. relato pro eadem opinione etiam Berlichio p. 1. conclus. 31. n. 18.

713. Not. præterea ex Zoësio in dict. tit. 58. Q. quid mali, juramentum malitia præstandum esse in judicio coram Judice, nisi sexus, absentia, vel alia personæ conditio aliud exigat; 2. quod Procurator rectè cogatur jurare in animam propriam de facto proprio; deinde in Annotationibus ibid. lit. A. juramentum calumniæ distingui in duas species; nimirum generale, quo litigatores ad totam causam, nihil se calumniandi animo, contra Adversarium suscipere profitentur; speciale (quod jusjurandum malitiæ perspè appellatur) ac generaliter, in unaquaque parte litis, toties præstatut, quoties præsumptio est contra aliquem, quod malitiosè aliquid proponat, vel ab Adversario postulet, & imprimis frequentari circa probationes solet; Gail. l. 1. obser. 87. Not. 2. hoc jusjurandum non esse assertionis; sed opinionis; Obrecht. hoc tractatu, c. 20. n. 23. & seq. aut de veritate quidem conscientiæ, ac intentionis; de credulitate autem facti, vel obligationis, post Bald. Thoming. decis. 45. num. 17. Quippe litigantes ratione jurant, se bonam causam habere, sed ita se credere, L. 2. §. 2. b. t. unde perjurus dici nequit, qui non obtinuit, V. Corvin. b. t. vers. est enim, &c.

¶ : (o) :



Q. II.

An ad juramentum calumniæ teneatur Clerici?

DE hoc agitur statim in principio 714. hujus tituli, c. 1. ubi Honorius II. circa juramentum calumniæ, jubet observari constitutionem Imperatoris Henrici, qui edictum Imperatoris Marci de Clericis Constantinopolitanis, quo jura re prohibentur, ad omnium Ecclesiarum Clericos pertinere declaravit, & vetuit, Clericos quoscunque in quacunque causa, seu criminali, seu civili, ad jurandum compelli; sed voluit, aliis idoneis personis hoc delegari. Verum cum hac moderatione, ut Episcopus inconsulto Pontifice, & quisquæ Clericus inconsulto Praelato suo, minimè jurare debeat, quod Pontifex ita custodiri mandat, ut contrà delinquentes veniam deinceps sibi noverint denegandam.

Constitutio autem Imperatoris Henrici talis tenoris est, ut refertur in dict. c. 1. *Nos itaque, divina & humanae legis intentione servata, decernimus, & imperiali auctoritate irretractabiliter definimus, ut non Episcopus, non Presbyter, non cuiuscunque Ordinis Clericus, non Abbas, non aliquis Monachus, vel Sanctorialis, in causa quacunque, sive controversia, seu criminali, seu civili, jusjurandum compellatur qualibet ratione subire, sed aliis idoneis defensoribus (si expedire Ecclesia sua noverit) hujusmodi officium liceat delegare; ubi tamen nota, quod, ubi Pontifex hanc Imperatoris constitutionem approbavit, subjunget: Eam observandam cum hac moderatione, ut Episcopus inconsulto Romano Pontifice, vel quisque Clericus inconsulto Praelato suo minimè jurare audeat. Omnibus autem Episcopis, & universo Clero, ita custodiri debere mandamus, ut si quis in illam commiserit, veniam sibi deinceps noverit denerari.*

Ex hac resolutione Pontificia deducuntur, Clericos non teneri, per se ipsos coram Judice Laico, præstare juramentum calumniæ, nec etiam inconsulto

Aa 3 Praela-